



ქალაქ ფოთის მუნიციპალიტეტის საკრებულო

განკარგულება № 10/32

2020 წლის 12 ივნისი

ქალაქი ფოთი

ქალაქ ფოთის მუნიციპალიტეტის საკრებულოს ფრაქცია „ქართული ფესვების“ რეგისტრაციის, თავმჯდომარისა და თავმჯდომარის მოადგილის არჩევის ცნობად მიღების შესახებ

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის № 21/56 დადგენილებით დამტკიცებული რეგლამენტის 35-ე მუხლის მე-13 პუნქტის შესაბამისად, ახალი ფრაქციის შექმნის საკითხი შეიტანება საკრებულოს უახლოესი სხდომის დღის წესრიგში და განიხილება რიგგარეშედ. საკრებულოს იურიდიულ, სამანდატო, საპროცედურო საკითხთა და ეთივის კომისიის დადებითი დასკვნის შემთხვევაში დასკვნას იღებს ცნობად კენჭისყრის გარეშე და ფრაქცია ითვლება რეგისტრირებულად.

იურიდიულ, სამანდატო, საპროცედურო საკითხთა და ეთივის კომისიის 2020 წლის 12 ივნისის დასკვნით დადგენილია შემდეგი: საქართველოს ორგანული კანონის „ადგილობრივი თვითმმართველობის კოდექსის“ 30-ე მუხლის პირველი პუნქტის შესაბამისად, მუნიციპალიტეტის საკრებულოს წევრები შეიძლება გაერთიანდნენ მუნიციპალიტეტის საკრებულოს ფრაქციაში. საქართველოს კონსტიტუციის მე-17 მუხლის პირველი პუნქტის შესაბამისად, ყველას აქვს სიტყვის, აზრის და შესაბამისად გამოხატვის უფლება, ამასთანავე, „ადამიანის უფლებათა და მირითად თავისუფლებათა დაცვის კონვენციის“ (რომი, 1950 წლის 4 ნოემბერი) მე-10 მუხლის პირველი პუნქტის შესაბამისად, ყველას აქვს უფლება გამოხატვის თავისუფლებისა. ეს უფლება მოიცავს პირის თავისუფლებას, ჰქონდეს შეხედულებები, მიიღოს ან გაავრცელოს ინფორმაცია თუ, მოსაზრებები საჯარო ხელისუფლების ჩაურევლად, ე.ი. საკრებულოს წევრს აქვს სიტყვის, აზრის და გამოხატვის უფლება, მათ შორის უფლება თავისუფლად, ყოველგვარი შეზღუდვის გარეშე გაერთიანდეს საკრებულოს ფრაქციაში და ამით გამოიყენოს მისი გამოხატვის უფლება. საქართველოს ორგანული კანონის „ადგილობრივი თვითმმართველობის კოდექსის“ 38-ე მუხლის შესაბამისად, ფრაქციას შეიძლება ჰყავდეს ფრაქციის თავმჯდომარე და მოადგილე.

ფრაქციის „ქართული ფესვების“ განცხადება და თანდართული დოკუმენტაცია ფრაქციის რეგისტრაციის, თავმჯდომარის, თავმჯდომარის მოადგილის არჩევის შესახებ არ ეწინააღმდეგება მოქმედი კანონმდებლობის მოთხოვნებს და მიზანშეწონილია ფრაქციის „ქართული ფესვების“ რეგისტრაციის, თავმჯდომარის, თავმჯდომარის მოადგილის არჩევის საკითხი მიიღოს საკრებულოს ბიურომ და საკრებულომ.

აღნიშნულიდან გამომდინარე:

მუხლი 1.

ცნობად იქნას მიღებული საკითხი, ქალაქ ფოთის მუნიციპალიტეტის საკრებულოს ფრაქცია „ქართული ფესვების” რეგისტრაციის, თავმჯდომარედ თორნივე შონიას და თავმჯდომარის მოადგილედ ზურაბ ჩაჩუას არჩევის შესახებ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქი ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 12 ივნისიდან.

საკრებულოს თავმჯდომარე

ბეჭა ვაჭარაძე

